

- ● ● ● ● ● ● ● ● ● ● ● ● ● ●
- **Kepapaan dan kemiskinan**
- **Menurut Gambaran Saiyidina Ali Karam Allāhu Wajhah.**
-
- maruah itu pun dizahirkan oleh harta. Buah fikiran
- dan kekuatan juga tiada akan wujud melainkan dengan
- harta.
- ● ● ● ● ●

law kāna al-faqru rajulan lagataltuhi!

“Kalaualah kepapaan itu seorang lelaki, nescaya
aku bunuh dia!”

Demikian kata-kata saksi yang pernah diucapkan oleh

Saiyidina Ali *karam Allāhu wajhah.*

Dengan kata-kata yang pendek, tepat dan tegas ini,
Saiyidina Ali telah mendedahkan apa yang terpendam di hati
manusia dari rasa penderitaan dan sesak sukar
serta kehinaan apabila kepapaan itu mencengkam manusia
dan menggulingkannya ke jurang hidup yang dalam.

Saiyidina Ali, dengan kata-kata saktinya itu, bertujuan
hendak membebaskan manusia daripada kehinaan itu iaitu
kepapaan.

Kalaualah kepapaan itu seorang lelaki, nescaya
ia akan segera membunuhnya dengan tidak bertangguh lagi.

Penderitaan yang menimpa manusia disebabkan kepapaan
dan kemiskinan telah juga digembirakan oleh seorang
arif dari India, katanya:

Saudara mara, kaum kerabat, sahabat handai dan
pengikut-pengikut akan ramai kelihatan apabila ada harta. Malah

Sebaliknya tidak ada sesuatu benda pun yang lebih
keras tingkatannya daripada kemiskinan. Pokok yang tumbuh
di tepi jalan, yang dimakan hasilnya dari segala arah,
adalah lebih baik daripada orang yang menderita kemiskinan.

Tidak ada satu perkara pun yang menjadi pujian
bagi si kaya melainkan perkara itu terpaling menjadi
kekejilan dan cacat cela bagi si miskin.

Kalau si miskin itu berani, akan dikatakan
orang: Cemergap

Kalau ia penyabar, akan dikatakan: Lemah.
Kalau ia penyantun, akan dikatakan: Bebal.
Kalau ia pendiam, akan dikatakan: Tidak pandai
berkata-kata.

Kalau ia petah berkata-kata, akan dikatakan:
Berceloteh.

* * *

Oleh itu, lenyapkanlah kepapaan dan kemiskinan!

Tetapi bukan dengan mengharap-harapkan menang loteri.

Itu, angan-angan Mat Jenin.

**Apatah lagi judi loteri dan hasilnya telah sedia
diketahui oleh sekalian manusia dan jin: Haram dan
kotor!**